



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU BOSANSKOHERCEGOVAČKE HRVATSKE ČISTE STRANKE PRAVA

Broj: 03-07-6-146/13  
Sarajevo, 24. mart 2014. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole .....	4
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanskohercegovačke Hrvatske čiste stranke prava za 2012. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine i Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2012. godinu, utvrđeno je da je Bosanskohercegovačka Hrvatska čista stranka prava prekršila odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bosanskohercegovačke Hrvatske čiste stranke prava za 2012. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka Hrvatska čista stranka prava nije ostvarila prihode, što je iskazano u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u uk. prih. %</b>
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr. lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	<b>Ukupni prihodi:</b>	<b>0,00</b>	

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke: Bosanskohercegovačka Hrvatska čista stranka prava. Skraćeni naziv: BH-HČSP.

Dana 19.06.1998. godine, Bosanskohercegovačka Hrvatska čista stranka prava upisana je u registar Općinskog suda u Mostaru, rješenjem broj: R 1/98 .

Sjedište političke stranke je u Mostaru, Rude Hrozničkega 26/1.

Za zastupanje stranke ovlaštteni su: Ante Brajković, predsjednik, Miro Miletić, dopredsjednik i Ivica Vidović, politički tajnik.

Lice ovlašteno za podnošenje finansijskih izvještaja za 2012. godinu je Ante Brajković.

Prema podacima iz godišnjeg finansijskog izvještaja za 2012. godinu, Bosanskohercegovačka Hrvatska čista stranka prava nema niže nivoe organizovanja (entitetske, kantonalne, opštinske).

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Bosanskohercegovačke Hrvatske čiste stranke prava za 2012. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Bosanskohercegovačke Hrvatske čiste stranke prava obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

U prethodnom periodu obavljen je pregled godišnjih finansijskih izvještaja Bosanskohercegovačke Hrvatske čiste stranke prava za 2009., 2010. i 2011. godinu, nakon čega su izdati izvještaji o pregledu sa mišljenjem revizora i nalazima.

Nakon izvršenog pregleda za 2011. godinu, Služba za reviziju je izdala Izvještaj o pregledu godišnjeg finansijskog izvještaja Bosanskohercegovačke Hrvatske čiste stranke prava sa mišljenjem revizora da je stranka postupala u skladu sa Zakonom o finansiranju političkih stranaka.

#### **5. NALAZI I PREPORUKE**

##### **5.1. NALAZI**

**Bosanskohercegovačka Hrvatska čista stranka prava prekršila je odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.**

Na osnovu obavljenog pregleda, utvrđeno je da Bosanskohercegovačka Hrvatska čista stranka prava obrasce godišnjeg finansijskog izvještaja za 2012. godinu nije popunila u skladu sa odredbama tada važećeg Pravilnika o godišnjim finansijskim izvještajima političkih stranaka („Službeni glasnik BiH“, broj 61/06)- u daljem tekstu: Pravilnik, čime su prekršene odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.

(1) Uvidom u obrazac 3 (ukupni prihodi političke stranke) i obrazac 3-e (nenovčane donacije i računi koje stranka nije imala obavezu da plati) godišnjeg finansijskog izvještaja, utvrđeno je da Bosanskohercegovačka Hrvatska čista stranka prava nije iskazala nenovčanu donaciju fizičkog lica u vidu besplatnog korištenja prostorija, čime su prekršene odredbe člana 13. i člana 16. Pravilnika.

Uvidom u Izjavu od 08.08.2013. godine, utvrđeno je da Bosanskohercegovačka Hrvatska čista stranka prava za svoj rad koristi prostorije u vlasništvu fizičkog lica, bez naknade.

Služba za reviziju je, takođe, utvrdila da stranka u obrascima 4 (ukupni rashodi političke stranke) i 4-1 (režijsko-administrativni i ostali troškovi) godišnjeg finansijskog izvještaja nije iskazala troškove zakupa poslovnog prostora, čime je prekršila odredbe člana 20. i 21. Pravilnika.

(2) Bosanskohercegovačka Hrvatska čista stranka prava nije popunila obrazac 2 (pregled prometa svih transakcijskih računa) godišnjeg finansijskog izvještaja u skladu sa odredbama člana 11. Pravilnika.

Uvidom u podatke iz Izvještaja o računima pravnih lica koji se vodi u Jedinostvenom registru transakcijskih računa u Bosni i Hercegovini i u potvrdu UniCredit bank d.d. Mostar, Služba za reviziju je utvrdila da je transakcijski račun broj: 3386902233337427, koji je stranke iskazala u obrascu 2, zatvoren dana 31.10.2007. godine.

Imajući u vidu odredbe člana 11. Pravilnika, smatramo da Bosanskohercegovačka Hrvatska čista stranka prava u godišnjem finansijskom izvještaju za 2012. godinu nije trebala iskazati transakcijski račun koji nije bio aktivan u izvještajnom periodu.

## **5.2. PREPORUKE**

*Preporučuje se Bosanskohercegovačkoj Hrvatskoj čistoj stranci prava da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

U ostavljenom roku, Bosanskohercegovačka Hrvatska čista stranka prava je dostavila dodatnu finansijsku dokumentaciju, čime je postupila u skladu sa preporukama datim u Preliminarnom izvještaju o pregledu godišnjeg finansijskog izvještaja za 2012. godinu, te je Služba za reviziju u tom dijelu izmijenila nalaze.

šef Odsjeka za revizijske poslove, revizor

Sanja Tošović

šef Službe za reviziju

mr. sc Hasida Gušić